

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 272485 26 St
Zenica, 17.09.2026. godine

Općinski sud u Zenici, sutkinja Marina Šapina, u stečajnom postupku nad stečajnim dužnikom ESMA & SS d.o.o., Šije 413, Šije, Tešanj, kojeg zastupa zastupnik po zakonu Kruško Fadil, direktor društva, odlučujući o prijedlogu privremenog stečajnog upravnika Pašalić Muamera iz Zenice, na ročištu održanom dana 17.09.2026. godine, u prisustvu privremenog stečajnog upravitelja i zastupnika po zakonu predlagatelja Kruško Fadil, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijedenje troškova stečajnog postupka u iznosu od 3.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom ESMA & SS d.o.o., Šije 413, Šije, Tešanj, MBS: 43-01-0984-17.

O b r a z l o ž e n j e

Prijedlogom od 13.04.2026.godine, predlagatelja ESMA & SS d.o.o., Šije 413, Šije, Tešanj, kojeg zastupa zastupnik po zakonu Kruško Fadil, direktor društva, pokrenut je stečajni postupak nad navedenim društvom.

Rješenjem ovoga suda br. 43 0 St 272485 26 St od 02.04.2026.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društvom ESMA & SS d.o.o., Šije 413, Šije, Tešanj, MBS: 43-01-0984-17, te je za privremenog stečajnog upravitelja imenovan se Muamer Pašalić iz Zenice, dr. Čire Truhelke 8c.

Na ročištu za ispitivanje uvjeta za otvaranje stečaja održanom dana 17.09.2026. godine, privremeni stečajni upravitelj je izjavio da ostaje kod izvještaja dostavljenog sudu dana 17.07.2026.godine. Navodi da je na osnovu iskazanih finansijskih vrijednosti u bilansu stanja i uspjeha na dan 31.03.2026. godine proizilazi da društvo nema imovine. Što je utvrdio uvjerenjem Općinskog suda u Tešnju od 25.03.2026. godine kao i Uvjerenje Općinskog suda u Tešnju zk. Ured broj 039-0-RZ-26-001 248 od 27.08.2026. godine, Uvjerenje Službe za katastar, urbanizam i imovinsko-pravne poslove od 26.03.2026. godine i Uvjerenje iste službe od 07.07.2026. godine, i Uvjerenja MUP-a ZDK o registrovanim motornim vozilima od 26.03.2026. godine i od 14.07.2026. godine. Navodi da Društvo ne posjeduje ni vrijednosne papire a što je potvrđeno korespodencijom sa registrom vrijednosnih papira. Društvo takođe nema ni novčanih sredstava niti na računu kod poslovne banke kao ni u blagajni, a što proizilazi i iz potvrde Sparkase bank od 25.03.2026. godine, te pregleda blokiranih računa od iste banke dostavljen 07.07.2026. godine. Dalje navodi da Društvo nema

pokretnih stvari kao niti nenaplaćenih potraživanja od trećih lica, a što je utvrđeno uvidom u knjigovodstvene i finansijske izvještaje kao i izlaskom na teren, tj. na adresu sjedišta društva Šije 413, Tešanj.

Privremeni stečajni upravnik navodi da obaveze iskazane u bilansu stanja na dan 31.03.2026. godine iznose 11.887,00 KM i da imaju tendenciju stalnog rasta. Obaveze se odnose na dug prema UIO RC Tuzla koji su i blokirali račun društva otvoren kod Sparkasse banci. Društvo ima otvoren jedan račun u Sparkasse banci. Račun je blokiran 16.03.2026 godine od strane UIO RC Tuzla. Izjavljuje da Društvo ne obavlja svoju registrovanu djelatnost, niti ima mogućnosti da se poslovanje može nastaviti. Izjavljuje da je prijedlog za otvaranje stečajnog postupka, na osnovu dokumentacije iz spisa i naknadno pribavljene dokumentacije, pokrenut u pisanoj formi od strane zakonskog zastupnika, te da je isti podnesen u zakonskom roku, tj. 28 dana nakon što je račun blokiran. Kako imovina stečajnog dužnika ne postoji i nije dovoljna za pokriće troškova stečajnog postupka, to su ispunjeni uslovi da stečajni sud otvori stečajni postupak koji se neće provoditi u skladu sa članom 102 stav 7. Predlaže da sud pozove zainteresirana lica da podnesu prijedlog za otvaranje stečajnog postupka i uplate predujam za otvaranje stečajnog postupka u iznosu od 3.000,00 KM na depozitni račun suda u roku od 30 dana, te ukoliko u ostavljenom roku ne podnesu prijedlog za otvaranje stečajnog postupka i ne predujme iznos potreban za troškove stečajnog postupka predlaže da sud onese rješenje kojim se otvara i zaključuje stečajni postupak nad navedenim društvom, a po pravomoćnosti da se društvo briše iz sudskog registra.

Zastupnik po zakonu predlagatelja izjavljuje da ostaje kod prijedloga za otvaranje stečajnog postupka, da nema primjedbi ni pitanja na izvještaj privremenog stečajnog upravitelja, te da je suglasan je sa prijedlogom privremenog stečajnog upravitelja.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:

Protiv ovog rješenja nije
dozvoljena žalba.

Sutkinja:

Marina Šapina